

Cyngor Bro Llanfairpwllgwyngyll  
Cofnodion Cyfarfod 24 Mai 2018

**Presennol:** A. Mummery, (Cadeirydd), J. Roberts (Is-gadeirydd), A. Jones, S. Edwards, G. Parry, H. Huws, G. C. Jones, Mervyn Jones, D. Jones, D. Owen (Clerc),

		Gweithred	Dyddiad
<b>1.0</b>	<b>Ymddiheuriadau:</b>		
<b>1.1</b>	A. Williams, E. Parry, Meirion Jones, R. Williams (Cynghorwr Sir)		
<b>1.2</b>	A. Mummery yn diolch i'r aelodau a'i fod wedi bod yn ffrainc bod yn Gadeirydd am ddwy flynedd. Ymhellach fe gyhoeddodd ei fod wedi rhoi'r arian a gasglwyd ar ei bumdeg blynedd tuag at dlws gwydr y Cyngor Bro, a tuag at dlws i'r Cadeirydd.		
<b>2.0</b>	<b>Ethol Cadeirydd ac Is Gadeirydd</b>		
<b>2.1</b>	G. Parry yn cynnig, G. C. Jones yn eilio J. Roberts fel Cadeirydd. Cytunwyd yn unfrydol a derbyniodd J. Roberts y sedd. Diolchodd i A. Mummery am ei wasanaeth fel Cadeirydd a nododd mai hon yw ei pumed cyfnod fel Cadeirydd y Cyngor Bro		
<b>2.2</b>	H. Huws yn cynnig, G. C. Jones yn eilio S. Edwards fel Is Gadeirydd. Cytunwyd yn unfrydol a derbyniwyd y sedd		
<b>3.0</b>	<b>Penodi Aelodau i Bwyllgorau</b>		
<b>3.1</b>	Cytunwyd i barhau a'r drefn bresennol. J. Roberts yn cadarnhau fod angen penodi Cadeirydd ac Is Gadeirydd yng nghyfarfod nesaf pob pwyllgor y Cyngor Bro.		
<b>4.0</b>	<b>Datganiadau o Ddiddordeb.</b>		
	Ni dderbyniwyd unrhyw ddatganiadau o ddiddordeb		
<b>5.0</b>	<b>Cyfrifon Mis Mai 2018</b>		
<b>5.1</b>	Nodwyd bod angen gwneud cais TAW am 2017/18		
<b>5.2</b>	A. Mummery yn cynnig, A. Jones yn eilio, derbyniwyd y rhain fel y rhai cywir		
<b>6.0</b>	<b>Cynrychiolwyr Pwyllgorau Allanol</b>		
<b>6.1</b>	A. Mummery yn nodi fod y Cynghorwr Sirol Carwyn Jones wedi bod yn protestio yn ddiweddar yn erbyn y cysylltiad trydan newydd arfaethedig y Grid Cenedlaethol yn ardal Llanfair.		
<b>6.2</b>	G. C. Jones yn nodi ei fod wedi mynychu cyfarfod Fforwm Cyswllt a Fforwm Briffio DCO Horizon. Nododd fod cyfarfod y Fforwm DCO wedi bod yn ddefnyddiol iawn yn egluro'r broses fydd yn cael ei ddilyn gyda'r DCO.		
<b>6.3</b>	Adroddodd G. C. Jones o'r Fforwm Cyswllt fod y Planning Portal i Gyngor Sir Ynys Môn yn mynd yn fyw ym Mis Gorffennaf		
<b>6.4</b>	A. Mummery yn cadarnhau ei fod wedi derbyn gohebiaeth gan CADNANT Planning yn gofyn am syniadau am enw ar gyfer datblygiad Hen Lôn Dyfnia . A. M yn cynnig yr enw 'Ael Eilian' Mervyn Jones yn eilio, cytunwyd i'r cynnig. A. M am ymateb iddynt i gadarnhau	<b>A. Mummery</b>	
<b>7.0</b>	<b>Cyflwyno a chadarnhau cofnodion cyfarfod 24 Ebrill 2018</b>		
<b>7.1</b>	A. Mummery yn cynnig, A. Jones yn eilio. Derbyniwyd fel rhai cywir		
<b>8.0</b>	<b>Materion yn codi o'r cofnodion</b>		
<b>8.1</b>	Twr Marcwis - Dim diweddariad pellach i adroddiad S. Edwards yn Chwefror		
<b>8.2</b>	Cloc - A. Mummery yn nodi bod canmoliaeth i'r gwaith. Hefyd yn nodi bod angen rhywbeth i ddal torchau a chynnig efallai fod yn fater i Bwyllgor Amgylchedd ac Eiddo i edrych arno.	Pwyllgor A ac E	
<b>8.3</b>	Gwelliannau Pentrefol a sefydliad cymunedol - S. Edwards heb gael cyfle i drafod gydag Aled eto gan ei fod yn disgwyl clywed gan D. Evans ynglŷn â chais posib am grant i wneud ffens newydd. S. Edwards am ddilyn i fyny	<b>S. Edwards</b>	
<b>8.4</b>	Ymgyrch codi arian Neuadd Goffa - A. Mummery yn nodi fod Dylan Evans heb fod yn llwyddiannus hyd yn hyn gyda cheisiadau am grantiau. Mae'n parhau i weithredu		

<b>8.5</b>	DBS - Clerc i weithredu.		
<b>8.6</b>	Cais grant First Hydro - S. Edwards wedi dilyn i fyny a nodwyd fod dim digon o wybodaeth ynglŷn â gwelliant cymunedol wedi cyflwyno yn y cais.		
<b>8.7</b>	Ffens arfaethedig rownd y cae pêl droed - S. Edwards yn dilyn y mater i fyny	<b>S. Edwards</b>	
<b>8.8</b>	Penodi Archwiliwr Mewnol - Cytunwyd i benodi J. A. Foulkes i wneud yr archwiliad mewnol am gyfrifon 2017/18		
<b>8.9</b>	Lon Refail - Clerc wedi paratoi drafft o lythyr i yrru i'r Cyngor Sir a Heddlu. Cytunwyd i'w yrru	<b>D. Owen</b>	<b>26/06/18</b>
<b>8.10</b>	Seddi gwag - Clerc i osod yr hysbysiad ar yr Hysbysfwrdd ac i yrru i Bapur Menai	<b>D. Owen</b>	<b>26/06/18</b>
<b>9.0</b>	<b>Cyflwyno a Chadarnhau Cofnodion Pwyllgor Neuadd Goffa 08 Mai 2018</b>		
<b>9.1</b>	A. Mummery yn cynnig, A. Jones yn eilio. Derbyniwyd fel rhai cywir		
<b>10.0</b>	<b>Materion yn codi o'r Cyfarfod</b>		
<b>10.1</b>	Cytunwyd i ofyn i Now Parry wneud PAT test ar offer y Neuadd ac i ofyn i Swyddogion y Swyddfa Etholiadau yn y Cyngor Sir i symud yr hen ramp o'r Neuadd	<b>D. Owen</b>	
<b>10.2</b>	Paentio'r Neuadd Goffa - Nodwyd fod dau bris wedi derbyn o £500 a £470. S. Edwards yn cynnig, D. Jones yn eilio, cytunwyd i benodi'r contractwr a'r pris lleiaf. Clerc i'w hysbysu. Nodwyd fod A. J, G. P a G. C. J wedi ymatal rhag pleidleisio	<b>D. Owen</b>	
<b>11.0</b>	<b>Cyflwyno a Chadarnhau Cofnodion Pwyllgor Meysydd Chwarae 08 Mai 2018</b>		
<b>11.1</b>	A. Mummery yn cynnig, A. Jones yn eilio. Derbyniwyd fel rhai cywir		
<b>12.0</b>	<b>Materion yn codi o'r Cyfarfod</b>		
<b>12.1</b>	Bwrdd Table Tennis - Cytunwyd i argymhelliad y Pwyllgor Meysydd Chwarae i archebu'r bwrdd. Mervyn Jones i yrru manylion i'r Clerc	<b>Mervyn a D. Owen</b>	
<b>13.0</b>	<b>Ceisiadau Cynllunio</b>		
<b>13.1</b>	Dim cais cynllunio wedi derbyn yn ystod Mis Mai		
<b>14.0</b>	<b>Gohebiaeth</b>		
<b>14.1</b>	Cylchgrawn Clerks & Councils Direct - Derbyn y wybodaeth		
<b>14.2</b>	Llythyr Derec Llwyd Morgan (Fforwm Iaith Môn) - Derbyn y wybodaeth a nodwyd y cynnwys		
<b>15.0</b>	<b>Materion Brys</b>		
<b>15.1</b>	A. Jones yn nodi ei fod yn cael trafferthion gyda'r safle we a bod dim ymateb i gael gan Fenter Môn, a hefyd bod cyn-aelod y Cyngor Bro Eryl Davies yn dal i dderbyn e-byst o'r hen safle we. S. Edwards am drïo cael cyngor gan gyfaill am y mater ac H. Huws i gysylltu â Menter Môn i geisio cael ymateb.	<b>S. Edwards a H. Huws</b>	
<b>15.2</b>	A. Jones, G. Parry yn nodi bod nifer o'r llwybrau angen sylw, A. Mummery ofyn i Golin weithredu	<b>A. Mummery</b>	
<b>15.3</b>	D. Jones wedi gwneud ymchwil pellach i gael defibrilator yn y Pentref. Cytunwyd i drafod ym Mhwyllgor Amgylchedd ac Eiddo. Nodwyd G. C. Jones fod yno un ym Mhringles, ond nod yw ar gael 24/7 ac nid oes ymwybyddiaeth fawr amdano.	<b>Pwyllgor A ac E</b>	
<b>15.4</b>	H. Huws yn nodi fod to wedi disgyn ar y cwt wrth y Môr ar dir Idefatigable. Cytunwyd i'r clerch gysylltu â nhw a gofyn am eu bwriad am yr adeilad	<b>D. Owen</b>	
<b>15.5</b>	J. Roberts yn nodi bod tîm o enethod o Ysgol Llanfair wedi mynd trwodd i rownd gynderfynol yn y Stadiwm King Power. Cytunwyd i yrru llythyr yn eu llongyfarch	<b>D. Owen</b>	

**Dyddiad Cyfarfod Nesaf - Nos Fawrth 26 Mehefin 2018 am 7.00yh yn y Neuadd Goffa**

